

全
華
叢
書

全華叢書

王忠文公集卷十六

明王禕撰

郡後學胡鳳丹月樵校梓

九誦

余癸卯之歲荐嬰禍患哀感并劇情有所不任撫事
觸物輒形於聲蓋彷彿乎離騷之作而其情猶巷伯
蓼莪之義焉爾先是庚寅之春去國而歸戊戌之冬
避兵以走中間悲苦之詞往往而在合而次第之得
九篇取九章惜誦之語題之曰九誦

撫予年之方壯兮翩吾好夫遠遊匪驚外以矜名兮

固齷齪之爲羞泛濺河以西渡兮憇錢唐之故都卽
太伯之遺跡兮復宿留乎中吳凌大江以北上兮亦
徘徊乎梁楚望岱宗之巍巍兮道吾經乎鄒魯至燕
雲且焉息止兮曰帝京吾所企覩河山之宏壯兮望
城闕之瑋麗君門邃乎穆穆兮嚴虎豹以守關哀有
懷將上訴兮爰瀝膽以披肝恐吾君之怠荒兮用紐
娛以爲玩盈成或廢乎持守兮將噬臍而徒嘆何九
重之阻隔兮乃壅遏乎上聞謂登天猶有階兮曾此
語之不可信抱予懷之邑鬱兮潛涕淚之浪浪中情

誠乎愛君兮豈予心之可懲瞻魏闕以徬徊兮心欲
去仍夷猶犬馬之戀主兮盍少忍而遲留卞所獻豈
非璞兮乃三獻而三刖嗟進忠而罹尤兮固曷訾乎
往哲留三年亦旣久兮君終不察予中情書有字且
磨滅兮每痛哭以拊膺進旣不獲乎吾君兮惟退修
吾初服不吾知其亦已兮敢怨懟而隕穫出國門以
南邁兮赤子忍離乎慈親涕淚墮而莫遏兮長矯首
乎蒼旻念吾君本聖明兮初不遺於小物惟先容弗
吾道兮固吾之所爲詘亦初服之旣返兮粵義命之

是安盼邱壑以長往兮時賡歌乎考槃庶默名而晦
節兮期歲晏以無斁惟初心之耿耿兮恍夢寐以驚
惕處畎畹不忘君兮在古人以皆然詎獨善以自足
兮固求志之爲賢

右遠遊

仰皇天之亭毒兮粵冒下以至仁紛含靈雖萬彙兮
誕賦予之實均惟夫人之有生兮獨衣冠乎厥身固
天衷之能全兮秉至善以粹純胡有之乃弗保兮眾
違天以自棄褫神靈爲淫褻兮室虛明爲蕪穢肆惡

念之一興兮若飊馳而焱熾錯枉直以逆施兮甘邁
蓄而遭整撫吾躬以自愛兮寧眾人之敢同飭禮均
以自衛兮修義矩以爲容冀寡過而鮮尤兮惟聖賢
之是從吾豈戾眾以自異兮庶將蹈夫大中嗟日月
不吾與兮年冉冉以如失雖此志之不昧兮寧羣行
之無軼慮檢身以靡逮兮跂前賢而莫及惟夙夜以
戰兢兮動魄愴而魂怵善非由外鑠我兮惡非本內
錮孰爲善而不成兮孰爲惡而不倍顏氏子之求仁
兮盜跖恣睢而強暴較得失於千載兮果孰好而孰

惡顧子志之耿介兮子子焉不與人同心曾敢蘄乎
人知兮予惟天之是謏冀皇天之純命兮俾予善之
獲信保貞吉而無咎兮弗顛躋以沈淪苟予志之變
常兮予行之或悖夸毗隳乎素守兮貪婪肆以爲害
致愆積以自稔兮固獲罪而何悔抑豈予所弗敢兮
亦神明之弗貸指皇天以爲正兮望白日之晶光洞
昭昭其在上兮倘鑒予之衷誠誓夫善之必爲兮式
克全於令名紛外物胡足卹兮庶無忝乎所生

右皇天

夫何世運之推移兮時理亂之靡常承平曾不百年
兮遽已失於小康砮干戈其並起兮鼎四海之沸騰
哀民生之多艱兮寧性命之可憑氛祲障以四塞兮
妖孽猖獗而曩屢天吳罔象何憑陵兮魑魅伯強紛
然而爲戾太白千載以晝煜兮熒惑又孛以怒芒槍
欃旬始狀醜而情悖兮況有旄頭與天狼乾象錯以
垂變兮乖氣逆而成沴豈夫時之偶然兮抑所致之
有自何殺人以爲嬉兮又食人以爲甘旣剜腦以剔
髓兮復剝腸而刺肝白骨積而爲山兮流血紅而成

河家十室而九空兮曾殘民之幾何人烟蕭條亘千里兮日夕起乎悲風良田鞠爲蒿萊兮穴狐兔而橫縱何羣黎之荼毒兮一乃至於斯也非天其孰使然兮眾夢夢其莫知也尙天心之悔禍兮愍斯人之遺類矧天道亦旣周兮今喪亂且一紀惟亂極則復治兮殆夫數之必然仰蒼蒼爲長慟兮哽咽鳴以何言亂曰登彼大墳以望遠兮哀世之否喪亂展轉兮鳳麟長逝梟獍產兮長鑱大刀僂人如剗兮人類幾何悉殲以殄兮城邑邱墟烟火鮮兮哀今之人其孰能

免兮瞻仰昊天涕泗泣兮曷保其軀尙力爲善兮

右世運

哀吾不及古之人兮胡乃遘茲亂離亦宇宙之云廣
兮身皇皇其何之念離羣而索居兮心竊嗜此幽獨
空山圓乎無人兮所友狎乎麋鹿旣築土以環堵兮
復誅茆而葺廬詠先王之遺風兮有左琴而右書庶
將樂而忘世兮雖三聘不爲起何此志不終遂兮遽
斯世之屯否干戈蔽乎中野兮紛殺人如刈麻雜虎
狼以哮呀兮肆攫爪而搖牙嗟竄避之無所兮曾遑

卹乎厥居恒聲潛而形匿兮駭神喪而魄飛奉二親
之垂白兮復提携吾妻子及中夜以遯奔兮悼行邁
之靡靡欲巢林以恃險兮旣蛇虺之螫毒欲航淵而
憑深兮又蛟鱷之逞酷康莊返爲畏途兮鄉邑變爲
異域臨歧路以慟哭兮阻千里如咫尺夜九起以撫
榻兮晝三卜而命龜懼性命之弗保兮心戰慄而危
疑念吾身之七尺兮中天地以爲人承先祖之庥廕
兮蒙造物之陶甄庶有立於功言兮稍自見於身後
雖千載不敢期兮吾寧儕草木以同朽苟溘先乎犬

馬兮或橫罹乎鋒鏑譬草間之枯螢兮雖有生曾何
益負此懼尤憂鬱兮况吾不知謀所從時仲冬方凜
冽兮號曠野之朔風冰皚皚而層生兮雪皓皓以遐
積御敝緼以爲衣兮雖重襲猶絺綌夜迢迢而未旦
兮矯吾望乎北斗杓懸若可攬兮將余哀之欲叩
邈漫漫之不可量兮莽芒芒之不可知愁絀結愈難
解兮情慙旣而不能支步徨徊而蜷局兮行徬徨以
蹉跎亦生死之不可必兮知天命之謂何

右哀古人

皇綱忽其遂弛兮今厯載猶莫振昔烟火以萬里兮
今瓜剖而豆分何吾生之不淑兮乃亨屯而離蹇冀
性命之苟全兮庶沈晦以獲免將詭姓以遁身兮懼
非義之所安不直道以自見兮又曷濟乎艱難惟視
年之益邁兮急朝夕之甘旨嗟儋石之無儲兮將曷
具乎滌蕩古固有不得祿兮非徒仕以爲急粵爲貧
與爲養兮固聖訓之可執竊升斗之區區兮繆見推
于當今雖簿書之云猥兮吾猶懼夫力之不任居腆
顏以忍恥兮揆初心徒自悔况左牽而右掣兮覺氣

沮而神憤足蒙羈而莫騁兮
翮被鍛而莫翔驅泛駕
使服犁兮揮瓚槃以代觴
才猷不適乎所用兮眾咸
以爲不然擿忠直以爲譎
兮指迂疏以爲姦人心不
同如其面兮本夷險之叵
測謂人亦與吾心同兮非
予之所爲惑宜妬疾之交
構兮肆謗讟之並興致萋
斐成貝錦兮紛巧言其如
簧無兄而盜嫂兮娶孤女
而撾婦翁世烏有是事兮
皆人口之興戎不疑之盜
金兮劉寬之隱牛惟疑似
之不可明兮故妬辱所由
招何騰謗之孔易兮局致
辨之獨難眾口所以鑠金

今吾至今乃知其信然驅吾車於九衢兮突太行以
砮矼鼓吾棹於平川兮翻灩澦以蕩滄溟有出於元
妄兮毀有生以求全在賢哲所不免兮吾亦焉敢以
爲冤惟反躬而自責兮而無媿我命不其在天兮
固賴此以爲恃

右皇綱

處惟繁以累旬兮心鬱結以惶懼晝彷徨以候晦兮
夜展轉而達曙豈不知戛戛之無益兮奈何乎憂來
而莫祛浩傾淚而靡遏兮類山崩而海涸昔姬文囚

羗里兮宣尼削跡於陳域揭中天之日月兮浮雲孰
爲之掩匿鍾離南冠卒反楚兮蒯通據鼎而客齊張
蒼韓信且伏斧鑕兮終將相之能躋賈生旣斥復召
宣室兮倪寬擯死爲大夫仲舒更生爲儒宗兮俱嘗
下獄以當誅嗟梁獄之上書兮終骭麟以自活彼史
遷雖宮刑兮亦奇禍之終脫何先哲之踵武兮負瓌
璋以豪雋非才智之絕出兮曷超卓以自奮顧渙浚
且惟怯兮嗟力綿而技庸徒慷慨以扼腕兮寧昔人
之敢同爲掾而受污辱兮亦爲親之故也觀過乃知